


আশা হারাবেন না



আশিস রাইচুর

FOR FREE DISTRIBUTION ONLY

Produced and distributed by All Peoples Church & World Outreach, Bangalore, INDIA.

First Edition Printed: October 2005

Revised Edition Printed: March 2020

Revised Digital Edition: September 2020

Translated into Bengali: June 2021

Contact Information:

All Peoples Church & World Outreach,
319, 2nd Floor, 7th Main, HRBR Layout,
2nd Block, Kalyan Nagar, Bangalore 560 043
Karnataka, INDIA

Phone: +91-80-25452617

Email: bookrequest@apcwo.org

Website: apcwo.org

Unless otherwise indicated, all Scripture quotations are taken from the Bengali Revised Old Version Updated (ROVU), Bangladesh Bible Society.

Biblical definitions, Hebrew and Greek words and their meanings are drawn from the following resources: Thayer's Greek Definitions. Published in 1886, 1889; public domain.

Strong's Hebrew and Greek Dictionaries, Strong's Exhaustive Concordance by James Strong, S.T.D., LL.D. Published in 1890; public domain.

Vine's Complete Expository Dictionary of Old and New Testament Words, © 1984, 1996, Thomas Nelson, Inc., Nashville, TN.

FINANCIAL PARTNERSHIP

Production and distribution of this book has been made possible through the financial support of members, partners, and friends of All Peoples Church. If you have been enriched through this free book, we invite you to contribute financially to help with the producing and distribution of free books from All Peoples Church. Please visit apcwo.org/give or see the page "Partner With All Peoples Church" at the back of this book, on how to make your contribution. Thank you!

MAILING LIST

To be notified when free books are released from All Peoples Church, you may subscribe to our mailing list at apcwo.org

আশা হারাবেন না

সূচীপত্র

1. জীবন সবসময় সহজ হয় না.....	1
2. প্রত্যাশা - আমাদের খ্রীষ্টিয় জীবনের একটি অপরিহার্য অংশ	2
3. প্রত্যাশার গুরুত্ব	4
4. ঈশ্বর যিনি আশাহীন পরিস্থিতিকেও পাল্টে দেন.....	6
5. আশাহীন পরিস্থিতিতেও আশা ধরে রাখার একটা ভিত্তিমূল	8
6. কোনো একটি আশাহীন পরিস্থিতির মাঝে আমি কী করতে পারি?	11

1. জীবন সবসময় সহজ হয় না

আমরা সবাই অনেক স্বপ্ন, লক্ষ্য, ও আকাঙ্ক্ষা নিয়ে জীবন যাত্রা শুরু করে থাকি। অনেক উত্তেজনা ও উৎসাহের সাথে আমরা কী করতে চাই, কোথায় যেতে চাই, ও জীবনে কী হতে চাই, সেই নিয়ে অনেক পরিকল্পনা করে থাকি। কিন্তু কোথায় আমাদের এই যাত্রাপথে আমরা নিশ্চিত যে কোনো না কোনো ঝড়ের সম্মুখীন হবো। জীবন সবসময় সহজ হয় না! আমরা প্রায়ই আশা করে থাকি যে আমাদের জীবনটি একটি গল্পের বইয়ের মত সরল হবে, কিন্তু সবসময় সেইরূপ হয় না! অপ্রত্যাশিত প্রতিকূলতা, কঠিন পরিস্থিতি আমাদের পথে সামনে এসে দাঁড়ায়। এই সময়গুলিতেই আমাদের লক্ষ্য ও স্বপ্ন যেন মনে হয় হাত থেকে বেরিয়ে যাচ্ছে। অনেকসময়ে, আমরা নিজেদের এমন পরিস্থিতির মাঝখানে পাই, যেটা সম্পূর্ণ আশাহীন মনে হয়। আমরা আশা হারিয়ে ফেলার মুখে দাঁড়িয়ে থাকি। আমরা প্রায় হাল ছেড়ে দিই। আমরা চিন্তা করতে শুরু করি, “আমি কখনই এটা সম্পন্ন করতে পারব না” অথবা “আমি কখনই আমার লক্ষ্যে পৌঁছতে পারব না”। লক্ষ্যে পৌঁছানোর বিষয়ে আমরা হতাশ হয়ে পেরি।

অনেকসময়ে, জীবনে অপ্রত্যাশিত মোড় আসে ও পরিস্থিতি এসে দাঁড়ায়, যার জন্য আমরা সম্পূর্ণ ভাবে অপ্রস্তুত থাকি। আমরা পথের শেষে নিজেদের পাই, যেখান থেকে ফিরে আসার কোনো সম্ভাবনা দেখতে পাওয়া যায় না। আপনাদের মধ্যে অনেকেই, যারা এই পুস্তকটি পড়ছেন, হয়ত কোনো আশাহীন পরিস্থিতির মাঝখানে রয়েছেন। হতে পারে সেটা আপনার চাকরী সংক্রান্ত, অথবা পেশা, শিক্ষা, বাড়ি, বিবাহ, অথবা পরিবার সংক্রান্ত। জীবনে অনেক কিছুই সমস্যাজনক হতে পারে। কিন্তু আমি আপনাকে এই বলে উৎসাহিত করতে চাই যে বাইবেলের ঈশ্বর মৃতদেরকেও জীবন দান করার বিষয়ে দক্ষ - এমনকি সেই পরিস্থিতি ও পরিবেশকে যা মৃত ও আশাহীন মনে হয়ে থাকে। তিনি আশাহীন পরিস্থিতিকে পাল্টে দেওয়ার ক্ষেত্রে দক্ষ। আমেন! আপনার পাশে যদি তিনি থাকেন, তাহলে আপনি আশাহীন পরিস্থিতিতেও আশা করতে পারেন। এমনকি যখন সবকিছু আশাহীন মনে হয়, তখনও আপনি একজন বিজয়ী হতে পারেন। এই পুস্তকটি সহজ ও সরল উৎসাহমূলক কথা নিয়ে আসে এবং আশা না হারানোর জন্য আমাদের নির্দেশ দিয়ে থাকে।

আশা ধরে রাখার গুরুত্ব

আশা ধরে রাখা অত্যন্ত গুরুত্বপূর্ণ। “আশা” বলতে আমরা বুঝি প্রতীক্ষা, প্রত্যাশা, এমন এক যার অপেক্ষায় আমরা থাকি, একটি আকাঙ্ক্ষা, একটি স্বপ্ন, অথবা কোনো লক্ষ্য। খ্রীষ্টিয় জীবনের একটি গুরুত্বপূর্ণ দিক হল প্রত্যাশা। বাইবেল তিনটি বিষয়ের উল্লেখ করে যা আমাদের খ্রীষ্টিয় জীবনের চলার পথে গুরুত্বপূর্ণ - তাদের মধ্যে একটি হল প্রত্যাশা।

1 করিন্থীয় 13:13

আর এখন বিশ্বাস, প্রত্যাশা, প্রেম এই তিনটি আছে, আর ইহাদের মধ্যে প্রেমই শ্রেষ্ঠ।

2. প্রত্যাশা - আমাদের খ্রীষ্টীয় জীবনের একটি অপরিহার্য অংশ

বিশ্বাসী হিসেবে, আমরা অনেক বিষয়ের প্রত্যাশা করে থাকি যা পূর্ণ হওয়া এখনও পর্যন্ত বাকি আছে।

অনন্ত জীবনের প্রত্যাশা

তীত 1:2

যে সত্য সেই অনন্ত জীবনের আশায়ুক্ত, যাহা মিথ্যাকথনে অসমর্থ ঈশ্বর অতি পূর্বকালে প্রতিজ্ঞা করিয়াছিলেন।

আমরা অনন্ত জীবনের প্রত্যাশা করি। যদিও বা আত্মায় আমরা সেই অনন্ত জীবন লাভ করেছি, কিন্তু এটা এমন একটা জীবন যার অপেক্ষায় আমরা রয়েছি।

গৌরবের আশা

কলসীয় 1:27

কারণ পরজাতিগণের মধ্যে সেই নিগূঢ়তত্ত্বের গৌরব-ধন কি, তাহা পবিত্রগণকে জ্ঞাত করিতে ঈশ্বরের বাসনা হইল; তাহা তোমাদের মধ্যবর্তী খ্রীষ্ট, গৌরবের আশা।

আমাদের মধ্যে খ্রীষ্ট হলেন গৌরবের আশা। তিনি হলেন ভবিষ্যতের জগতের আমাদের জীবনের আশা, এমন একটা জগত যা বর্তমানের জগতের থেকে অনেক বেশী উত্তম। আমরা ঈশ্বরের সাথে, স্বর্গে তাঁর উপস্থিতিতে আমাদের সময় অতিবাহিত করার অপেক্ষায় আছি।

পরিব্রাণের আশা

1 থিমলনীকীয় 5:8

কিন্তু আমরা দিবসের বলিয়া আইস, মিতাচারী হই, বিশ্বাস ও প্রেমরূপ বুকপাটা পরি, এবং পরিব্রাণের আশারূপ শিরস্ত্রাণ মস্তকে দিই।

1 পিতর 1:7-9

7 যে সুবর্ণ নশ্বর হইলেও অগ্নি দ্বারা পরীক্ষিত হয়, তাহা অপেক্ষাও মহামূল্য, তোমাদের বিশ্বাসের পরীক্ষাসিদ্ধতা যীশু খ্রীষ্টের প্রকাশকালে প্রশংসা, গৌরব ও সমাদরজনক হইয়া প্রত্যক্ষ হয়।

8 তোমরা তাঁহাকে না দেখিয়াও প্রেম করিতেছ; এখন দেখিতে পাইতেছ না, তথাপি তাঁহাতে বিশ্বাস করিয়া অনির্বচনীয় ও গৌরবযুক্ত আনন্দে উল্লাস করিতেছ, 9 এবং তোমাদের বিশ্বাসের পরিণাম, অর্থাৎ আত্মার পরিব্রাণ প্রাপ্ত হইতেছ।

যদিও পরিব্রাণ এখনই শুরু হয়, আমাদের পরিব্রাণের একটি অংশ আছে যার অপেক্ষায় আমরা আছি।

খ্রীষ্টের দ্বিতীয় আগমনের আশা

তীত 2:13

এবং পরমধন্য আশাসিদ্ধির জন্য, এবং মহান ঈশ্বর ও আমাদের ব্রাণকর্তা যীশু খ্রীষ্টের প্রতাপের প্রকাশ প্রাপ্তির জন্য অপেক্ষা করি।

আশা হারাবেন না

পুনরুত্থানের প্রত্যাশা

প্রেরিত্ব 24:15

আর ইহারাও যেমন প্রতীক্ষা করিয়া থাকে, সেইরূপ আমি ঈশ্বরে এই প্রত্যাশা করিতেছি যে, ধার্মিক অধার্মিক উভয় প্রকার লোকের পুনরুত্থান হইবে।

3. প্রত্যাশার গুরুত্ব

আমাদের প্রতিদিনের জীবনে প্রত্যাশা ধরে রাখা অত্যন্ত গুরুত্বপূর্ণ। আমরা যেন এমন মানুষ হয়ে উঠি যাদের মধ্যে প্রত্যাশা প্রচুর পরিমাণে রয়েছে, এমনকি আশাহীন পরিস্থিতির মাঝখানেও। প্রত্যাশা ধরে রাখা কেন গুরুত্বপূর্ণ, তার অনেকগুলি কারণ রয়েছে।

বিলম্বিত প্রত্যাশা আমাদের অভ্যন্তরীণ মানুষকে দুর্বল করে তোলে

হিব্রোপদেশ 13:12

আশাসিদ্ধির বিলম্ব হৃদয়ের পীড়াজনক; কিন্তু মনোবাসনার সিদ্ধি জীবনবৃক্ষ।

অনেকসময়ে, প্রত্যাশিত বিষয়গুলিকে লাভ করার ক্ষেত্রে বিলম্ব হয়। আমরা কোনো একটা বিষয়কে একটি নির্দিষ্ট বছরের মধ্যে লাভ করার প্রত্যাশা করি, কিন্তু সেই বছরের শেষেও সেটা ঘটে না। আমরা নিজেদের বলি যে এটা হয়ত পরের বছরে ঘটবে, কিন্তু সেটাও পূর্ণ না হতে পারে। প্রত্যাশিত বিষয়গুলি যত বেশী বিলম্ব হতে থাকে, ততই যেন আমাদের অভ্যন্তরীণ ব্যক্তিত্ব সম্পূর্ণ ভাবে আশাহীন ও দুর্বল হয়ে পরে। অপর দিকে, আমাদের প্রত্যাশার বিষয়বস্তু যখন এসে পৌঁছায়, তখন যেন সেটা আমাদের কাছে একটি জীবন বৃক্ষের মত অনুভূতি দিয়ে থাকে। এটি আমাদের শক্তিশালী করে ও সতেজ করে। আমরা সতেজ অনুভব করি। আমাদের বিশ্বাস অনেক উঁচুতে ওঠে। আমরা অনুপ্রাণিত হই ও এগিয়ে চলতে পারি।

প্রত্যাশা হল আমাদের প্রাণের একটি নোঙ্গর

ইব্রীয় 6:19

আমাদের সেই প্রত্যাশা আছে, তাহা প্রাণের নোঙ্গরস্বরূপ...

প্রত্যাশা হল আমাদের প্রাণের নোঙ্গর। “প্রাণ” শব্দটি আমাদের মন, ইচ্ছা, ও আবেগকে বোঝায়। জাহাজ থেকে নোঙ্গর ফেলার একটি দৃশ্য এখানে ব্যবহার করা হয়েছে, যার দ্বারা প্রত্যাশার সাথে আমাদের প্রাণের সম্পর্কটিকে ব্যাখ্যা করা হয়েছে। যখন নোঙ্গর জলের মধ্যে ফেলা হয়, তখন ঝড়ের মাঝেও একটা স্থিরতা নিয়ে আসে। বাইবেল বলে যে প্রত্যাশা হল আমাদের প্রাণের নোঙ্গর। এর অর্থ, আমার কাছে যদি প্রত্যাশা না থাকে, তাহলে আমার প্রাণ - আমার মন, আবেগ, ও বুদ্ধি - সেই স্থিরতা ও শক্তি লাভ করবে না যা ঝড়ের মাঝে প্রয়োজন। মানুষ যখন সম্পূর্ণ ভাবে প্রত্যাশা হারিয়ে ফেলে, তখন জীবনের ঝড়গুলিকে তাদের উপর প্রবল হয়ে ওঠে এবং তারা পথ চলা থামিয়ে দেওয়ার চিন্তাভাবনা করে থাকে। তারা হতাশ হয়ে পরে ও হাল ছেড়ে দেয় সহজেই। তারা জীবনে বেঁচে থাকার উদ্দেশ্য আদৌ আছে কিনা, সেই নিয়ে চিন্তাভাবনা করে। আশাহীনতার চিন্তাভাবনা, “কেউ আমার জন্য চিন্তা করে না”, “সবাই ভুল” এবং “এটাকে কখনই সঠিক করা সম্ভব নয়” কথাগুলি তাদের মনের মধ্যে প্রবল ভাবে প্রবাহিত হতে থাকে। এই পর্যায়ে, অনেকে আত্মহত্যার কথা চিন্তাভাবনা করে। সুতরাং, কঠিন থেকে কঠিনতম পরিস্থিতিতেও আশা না হারানো অত্যন্ত গুরুত্বপূর্ণ। প্রত্যাশা হল আমাদের প্রাণের নোঙ্গর।

প্রত্যাশা হল বিশ্বাসের অগ্রদূত

ইব্রীয় 11:1

আর বিশ্বাস প্রত্যাশিত বিষয়ের নিশ্চয়জ্ঞান, অদৃশ্য বিষয়ের প্রমাণপ্রাপ্তি।

প্রত্যাশা অত্যন্ত গুরুত্বপূর্ণ কারণ বিশ্বাস প্রত্যাশার উপর নির্ভর করে। প্রত্যাশা বিশ্বাসের আগে আসে। শুধুমাত্র যখন আমরা প্রত্যাশা করতে পারি, তখনই বিশ্বাস আসে। এমন একজন ব্যক্তির কথা বিবেচনা করুন যে মৃত্যুশয্যায় রয়েছেন, এবং ডাক্তারেরা বলে দিয়েছেন যে চিকিৎসা বিজ্ঞানের কাছে আর কিছু নেই সাহায্য করার জন্য এবং এই ব্যক্তির কাছে শুধুমাত্র আর কয়েকটা দিন রয়েছে। সম্ভবত অধিকাংশ মানুষেরা এই অবস্থায় আশা ছেড়ে দেবে। তার শেষ মুহূর্তগুলির চিত্র, তার শেষ কথা, এবং তার অন্ত্যেষ্টিক্রিয়ার কথাগুলি তার মনের মধ্যে ঘুরতে থাকবে। যখন কোনো মানুষ আশা ছেড়ে দেয়, তখন বিশ্বাসও কাজ করতে পারে না কারণ “*বিশ্বাস প্রত্যাশিত বিষয়ের নিশ্চয়জ্ঞান*”। যখন কোনো মানুষের মধ্যে সুস্থ হওয়ার কোনো প্রত্যাশাই থাকে না, তখন ঈশ্বরের থেকে আরোগ্যতা লাভ করার বিশ্বাস করা অত্যন্ত কঠিন হয়ে পড়ে। ঈশ্বরের উপর বিশ্বাস রাখার আগে প্রত্যাশার প্রয়োজন আছে। অসুস্থ ব্যক্তি যেন অন্তত একবার নিজেকে মৃত্যুশয্যা থেকে উঠে আসার চিত্র কল্পনা করে। যদিও বা ডাক্তারেরা আশা ছেড়ে দিয়েছেন, সেই ব্যক্তি যেন এই প্রত্যাশা যে স্বর্গের ঈশ্বর তাকে সুস্থ করতে পারেন এবং তিনি তা করার জন্য ইচ্ছুকের থেকেও বেশী আগ্রহী। সম্পূর্ণ সুস্থ হওয়ার প্রত্যাশা বিশ্বাসকে সক্রিয় করে তুলবে আরোগ্যতা নিয়ে আনার কাজে।

4. ঈশ্বর যিনি আশাহীন পরিস্থিতিকেও পাল্টে দেন

আমাদেরকে বুঝতে হবে যে আমাদের পরিস্থিতি যাই হোক না কেন, আমাদের পরিস্থিতি যতই আশাহীন মনে হোক না কেন, একজন ঈশ্বর আছেন যিনি আপনার আশাহীন পরিস্থিতিকে উল্টে দেওয়ার ক্ষেত্রে দক্ষ। আমেন! হতে পারে আপনার বিবাহ, আপনার চাকরী, সন্তানেরা, অর্থনৈতিক অবস্থা, পেশা, অথবা শিক্ষা, অথবা অন্য কিছু আশাহীন পরিস্থিতির মধ্যে পড়ে রয়েছে। সেটা যাই হোক না কেন, শুধুমাত্র এই সত্যের উপর লক্ষ্য কেন্দ্র করুন যে আমরা এমন এক ঈশ্বরের আরাধনা ও সেবা করি যিনি আশাহীন পরিস্থিতিকেও পাল্টে দিতে পারেন। এই কারণে আমাদের আশা ছেড়ে দেওয়ার প্রয়োজন নেই। আসুন, বাইবেল থেকে আমরা কয়েকটি চেনাপরিচিত উদাহরণ দেখি যেখানে ঈশ্বর আশাহীন পরিস্থিতিকে পাল্টে দিয়েছেন:

এক দরিদ্র মহিলা

সেই মহিলাটির কথা বিবেচনা করুন যার স্বামী মারা গিয়েছিলেন এবং সঙ্গে দুটি পুত্র সন্তান ও অনেক ঋণ ছেড়ে দিয়ে গিয়েছিলেন (2 রাজাবলি 4:1-7)। যাদের কাছ থেকে টাকা ঋণ নেওয়া হয়েছিল, তারা এসে তাদের টাকা চাইছিল ও তার সন্তানদের ছিনিয়ে নেওয়ার ভয় দেখিয়েছিল। এই মহিলার পরিস্থিতি সম্পূর্ণ রূপে আশাহীন ছিল। তিনি ঈশ্বরের এক দাস, ইলীশার কাছে গেলেন, তার দুরাবস্থার কথা জানালেন, এবং সাহায্য চাইলেন। ভাববাদী জিজ্ঞাসা করলেন যে তার বাড়িতে কী আছে। সেই মহিলা বললেন যে তার কাছে এক কলসি তেল রয়েছে। ইলীশা তাকে নির্দেশ দিলেন যে যতগুলি সম্ভব কলসি জোগাড় করে সেখানে তেল ঢালতে। অলৌকিক ভাবে, তেল পরিমাণে বাড়তে লাগল, এবং প্রত্যেকটি কলসি তেলে পূর্ণ হয়ে গেল। ইলীশা তখন সেই মহিলাকে তেলগুলি বিক্রি করে সমস্ত ঋণ পরিশোধ করে, নতুন ভাবে সবকিছু শুরু করতে বলেছিলেন। ঈশ্বর অলৌকিক ভাবে এই মহিলার প্রয়োজন মেটানোর দ্বারা তার আশাহীন পরিস্থিতিকে বদলে দিয়েছিলেন।

বিবাহ ভোজে অলৌকিক কাজ

বিবাহ ভোজের মালিকের ঘরে দ্রাক্ষারস ফুরিয়ে গিয়েছিল - অভাবের একটি সরল পরিস্থিতি কিন্তু একটা আশাহীন পরিস্থিতি। তারা যখন চিন্তাভাবনা করছিলেন যে কী করা উচিত, তখন মরিয়ম, যীশুর মা বিবাহ ভোজের দাসদের বললেন, *“ইনি [যীশু] তোমাদেরকে যা কিছু বলেন, তাই করো”*। যীশু তাদেরকে নির্দেশ দিলেন জলের জালাগুলিকে জল দিয়ে পূর্ণ করতে এবং তারপর অতিথিদের সেখান থেকে পরিবেশন করতে। জল অলৌকিক ভাবে দ্রাক্ষারসে পরিণত হয়েছিল এবং বিবাহ ভোজে সবাই যথেষ্ট পরিমাণে পান করতে পেরেছিল (যোহন 2:1-11)। আরেকটি অলৌকিক ঘটনা যোগান দেওয়ার! প্রভুর পরামর্শ শুনে এবং সেই মত কাজ করার ফলে, আশাহীন পরিস্থিতি পাল্টে যেতে পারে।

এক আশাহীন রাত্রির পর সকাল

একটা ব্যবসার ক্ষেত্রে প্রভু যীশু যে অলৌকিক কাজ করেছিলেন, সেটা লুক 5 অধ্যায়ে আমাদের জন্য লেখা আছে। পিতর তার ব্যবসায়ের সঙ্গী—যাকোব, যোহন, এবং আন্দ্রীয়েসের সাথে মাছ ধরার ব্যবসায়ে ব্যস্ত ছিলেন। পেশায় তারা মাছ ধরার জেলে। এক দিন, তারা সমস্ত রাত্রি মাছ ধরার প্রচেষ্টায় ছিলেন, কিন্তু কোনো মাছ তারা ধরতে পারেননি। পরের দিন সকালে, তারা যখন ফিরে আসছিলেন, তখন প্রভু যীশু তাদের সাথে দেখা করলেন। তিনি তাদের নৌকো ব্যবহার করার অনুরোধ জানালেন, যাতে তিনি নৌকো থেকে লোকদের কাছে প্রচার করতে পারেন। প্রচার করার পর, প্রভু পিতরকে আরেকটি বার সমুদ্রের মাঝখানে নৌকো নিয়ে গিয়ে জলে জাল ফেলতে বললেন। পিতর বললেন, *“হে নাথ, আমরা সমস্ত রাত্রি পরিশ্রম করিয়া কিছুমাত্র পাই নাই, কিন্তু আপনার কথায় আমি জাল ফেলিব”* (লুক 5:5)। পিতর জানতেন যে তার প্রচেষ্টা কোনো ফল দেয়নি। কিন্তু তবুও তিনি যীশুর কথা শুনে সেই কাজটি আরও একবার করার জন্য প্রস্তুত হলেন।

প্রভুর মুখ থেকে একটা বাক্য একটি আশাহীন পরিস্থিতিকে পাল্টে দিয়েছিল। পিতরের বাধ্যতা তার জীবনে “আর্থিক আশীর্বাদ” নিয়ে এসেছিল।

ইস্রায়েল জাতী

ইহুদী লোকেরা সমস্ত পৃথিবীতে ছড়িয়ে পড়েছে। ইহুদী লোকদেরকে একটা আশাহীনতার অনুভূতি গ্রাস করেছিল। যিহিষ্কেল 37 অধ্যায়ে, ঈশ্বর যিহিষ্কেলকে শুকনো হাড়ের এক উপত্যকা দেখিয়ে ইস্রায়েলীয় লোকদের দুর্দশাকে বুঝিয়েছিলেন। “পরে তিনি আমাকে কহিলেন, হে মনুষ্য-সন্তান, এই সকল অস্থি সমস্ত ইস্রায়েল-কুল; দেখ, তাহারা বলিতেছে, আমাদের অস্থি সকল শুষ্ক হইয়া গিয়াছে, এবং আমাদের আশা নষ্ট হইয়াছে; আমরা একেবারে উচ্ছিন্ন হইলাম” (যিহিষ্কেল 37:11)।

ঈশ্বর তখন যিহিষ্কেলকে আদেশ করেছিলেন এই শুকনো হাড়গুলির প্রতি ভবিষ্যদ্বাণী করতে। “এই জন্য তুমি ভাববাণী বল, তাহাদিগকে বল, প্রভু সদাপ্রভু এই কথা কহেন, দেখ, আমি তোমাদের কবর সকল খুলিয়া দিব, হে আমার প্রজা সকল, তোমাদের কবর হইতে তোমাদিগকে উত্থাপন করিব, এবং তোমাদিগকে ইস্রায়েল-দেশে লইয়া যাইব” (যিহিষ্কেল 37:12)। ভাববাদীর মধ্যে দিয়ে, ঈশ্বর ভবিষ্যদ্বাণী করলেন যে ইহুদী লোকেরা পুনরায় একত্রিত হবে ও ইস্রায়েল একটি দেশ হিসেবে পুনরায় স্থাপিত হবে। ঈশ্বর তাঁর বাক্যকে 1948 সালে 14ই মে পূর্ণ করলেন, যে দিন ইস্রায়েলকে একটি দেশ হিসেবে ঘোষিত করা হয়েছিল। সমস্ত বিশ্বজুড়ে, পৃথিবীর সমস্ত প্রান্ত থেকে ইহুদী লোকেরা তাদের নিজেদের দেশে ফেরা শুরু করল।

সুতরাং, আমাদের দৃষ্টিতে যেকোনো আশাহীন পরিস্থিতিতে ঈশ্বর পাল্টে দিতে পারেন। ঈশ্বর ইচ্ছুক এবং সক্ষম “কবরগুলি” খুলে দিতে এবং “শুকনো হাড়গুলিকে” প্রাণ দিতে, যাতে পরিস্থিতি পাল্টে যায়! ঈশ্বরের কাছে কোনো কিছুই আশাহীন নয়।

অব্রাহাম ও সারা

অব্রাহাম ও সারার অনেক বয়স হয়ে গিয়েছিল যখন সদাপ্রভু তাদেরকে একটা সন্তান দেওয়ার প্রতিজ্ঞা করেছিলেন। তিনি তাদেরকে এক পুত্র সন্তান দেওয়ার প্রতিজ্ঞা করেছিলেন এবং বলেছিলেন যে এই সন্তানের মধ্যে দিয়ে তারা আকাশের তারার ন্যায় ও সমুদ্র পারের বালির মত বংশধর জন্মাবে। তারা একটা আশাহীন পরিস্থিতিতে ছিলেন সন্তান ধারণ করার ক্ষেত্রে, কারণ এত বছর ধরে তাদের কোনো সন্তান জন্মায়নি। অব্রাহামের বয়স ছিল 99 এবং শুরু থেকেই সারা বন্ধা ছিলেন - একটা আশাহীন পরিস্থিতি।

সেই পরিস্থিতির সম্বন্ধে বাইবেল এইরকম কথা লেখা আছে:

রোমীয় 4:17-18

17 (যেমন লিখিত আছে, “আমি তোমাকে বহুজাতির পিতা করিলাম,”) সেই ঈশ্বরের সাক্ষাতেই পিতা, যাঁহাকে তিনি বিশ্বাস করিলেন, যিনি মৃতগণকে জীবন দেন, এবং যাহা নাই, তাহা আছে বলেন।

18 অব্রাহাম প্রত্যাশা না থাকিলেও প্রত্যাশায়ুক্ত হইয়া বিশ্বাস করিলেন, যেন ‘এইরূপ তোমার বংশ হইবে,’ এই বচন অনুসারে তিনি বহুজাতির পিতা হন।

অনুসরণ করার জন্য এক মহান উদাহরণ। অব্রাহাম “প্রত্যাশা না থাকিলেও প্রত্যাশায়ুক্ত হইয়া বিশ্বাস করিলেন”। যখন সেখানে প্রত্যাশা করার কোনো কারণই ছিল না, অব্রাহাম তখনও ঈশ্বরের কথা অনুযায়ী প্রত্যাশায় বিশ্বাস করেছিলেন। এবং যেহেতু তিনি প্রত্যাশায় বিশ্বাস করেছিলেন, সেই কারণে “এই বচন অনুসারে তিনি বহুজাতির পিতা” হলেন।

ঈশ্বর যখন আপনাকে কোনো প্রতিশ্রুতি দিয়ে থাকেন, কখনও বলবেন না, “প্রভু, এই প্রতিশ্রুতিটি হাস্যকর”। এটা হাস্যকর হতে পারে না কারণ আমাদের ঈশ্বর হলেন এমন এক ঈশ্বর যিনি মৃতকেও জীবন দান করে থাকেন। তাই, ঈশ্বর যখন আপনাকে কোনো প্রতিশ্রুতি দিয়ে থাকেন, তখন আপনার পরিস্থিতি কতটা আশাহীন, সেটা গুরুত্বপূর্ণ নয়। শুধু মনে রাখবেন যে, যে ঈশ্বর আপনার সাথে কথা বলছেন, তিনি একই ঈশ্বর যিনি মৃতদেরকে জীবন দান করে থাকেন - শূন্য থেকেও তিনি সৃষ্টি করেন - তিনি যেকোনো পরিস্থিতিতে পাল্টে দিতে সক্ষম। ঈশ্বর শুধুমাত্র পরিস্থিতিতে উন্নত করে তোলেন না, তিনি সেটাকে সম্পূর্ণ ভাবে পাল্টে দিতে পারেন। তিনি অস্তিত্বহীন বস্তুকে অস্তিত্বে আনতে পারেন। এখনই, আপনার বাড়িতে শান্তি নাও থাকতে পারে কিন্তু ঈশ্বর সেটাকে অস্তিত্বে নিয়ে আসতে পারেন। আপনার দেহের মধ্যে সুস্থতা বর্তমানে অস্তিত্বে নাও থাকতে পারে কিন্তু ঈশ্বর সেটাকে অস্তিত্বে নিয়ে আসতে পারেন। আপনার বাড়িতে, চাকরীতে, অথবা কাজে সাফল্য অস্তিত্বে নাও থাকতে পারে কিন্তু ঈশ্বর সেইগুলিকে অস্তিত্বে নিয়ে আসতে পারেন।

5. আশাহীন পরিস্থিতিতেও আশা ধরে রাখার একটা ভিত্তিমূল

আশাহীন পরিস্থিতিতেও আশা ধরে রাখার ভিত্তিমূল কী? এটা কি শুধুই একটা কাল্পনিক বিষয়? এটা কি একটি বস্তু সম্পর্কিত বিষয়ের পরিবর্তে মানসিক সম্পর্কিত একটি বিষয়? এটা কি শুধুমাত্র ইতিবাচক মানসিকতা ধারণ করার একটি বিষয়? এটা কি ইতিবাচক থাকার ও প্রচেষ্টা করার একটা মানব প্রচেষ্টা? যে কারণে কঠিন পরিস্থিতিতেও আমরা আশা পেতে পারি সেটা হল ঈশ্বর ও তাঁর বাক্য।

রোমীয় 4:18

অব্রাহাম প্রত্যাশা না থাকিলেও প্রত্যাশায়ুক্ত হইয়া বিশ্বাস করিলেন, যেন ‘এইরূপ তোমার বংশ হইবে,’ এই বচন অনুসারে তিনি বহুজাতির পিতা হন।

ঈশ্বর যা প্রতিজ্ঞা করেছিলেন, অব্রাহাম সেটাতে বিশ্বাস করেছিলেন, যদিও সেটার উপর বিশ্বাস করার কোনো কারণ ছিল না। যখন পরিস্থিতি আশাহীন ছিল, তখনও তিনি বিশ্বাস করে গিয়েছিলেন। কেন? কারণ ঈশ্বর বলেছেন! তিনি প্রত্যাশায় বিশ্বাস করেছিলেন ঈশ্বরের “বচন অনুসারে”। এটাই ছিল তার প্রত্যাশার ভিত্তিমূল। ঈশ্বর বলেছেন, এবং যদিও পরিস্থিতি আশাহীন ছিল, তবুও সকল আশাহীনতার বিরুদ্ধে গিয়ে অব্রাহাম বিশ্বাস করার জন্য বেছে নিয়েছিলেন।

ঈশ্বর ও তাঁর বাক্য আমাদের প্রত্যাশার ভিত্তিমূল হয়েছিল

গীতসংহিতা 38:15

কারণ, সদাপ্রভু, আমি তোমারই অপেক্ষা করিতেছি; হে প্রভু, আমার ঈশ্বর, তুমিই উত্তর দিবে।

গীতসংহিতা 130:5

আমি সদাপ্রভুর অপেক্ষা করিতেছি; আমার প্রাণ অপেক্ষা করিতেছে; আমি তাঁহার বাক্যে প্রত্যাশা করিতেছি।

রোমীয় 15:4

কারণ পূর্বকালে যাহা যাহা লিখিত হইয়াছিল, সেই সকল আমাদের শিক্ষার নিমিত্তে লিখিত হইয়াছিল, যেন শাস্ত্রমূলক ধৈর্য ও সান্ত্বনা দ্বারা আমরা প্রত্যাশা প্রাপ্ত হই।

ঈশ্বর হলেন সেই কারণ, উৎস, এবং আমাদের প্রত্যাশার শক্তি। তাঁর বাক্য হল আমাদের প্রত্যাশার ভিত্তিমূল। কারণ এটা শাস্ত্রের মধ্যে দিয়ে আমাদের হৃদয়ে ধৈর্য ও সান্ত্বনা উৎপন্ন করেছে, যে আমরা আমাদের প্রত্যাশাকে ধরে থাকি।

ভবিষ্যতের জন্য প্রত্যাশা

আসুন, এতক্ষন পর্যন্ত আমরা যা কিছু পড়েছি, সেটার ব্যবহারিক দিকটি লক্ষ্য করি। আপনারা যারা এটা পড়ছেন, তাদের মধ্যে থেকে কেউ কেউ বলতে পারেন, “আমাদের কাছে ভবিষ্যতের কোনো প্রত্যাশা নেই” অথবা “আমার মনে হয় না যে আমি অনেক দূর পর্যন্ত এগোতে পারব। আমার জীবনে খুব বেশী কিছু ঘটবে না”। আমি চাই আপনারা জানুন যে ঈশ্বর ও ঈশ্বরের বাক্যের কারণে, আমরা ভবিষ্যতের প্রত্যাশা ধরে রাখতে পারি। তাঁর বাক্যে লেখা আছে:

1 করিন্থীয় 2:9

কিন্তু, যেমন লেখা আছে, “চক্ষু যাহা দেখে নাই, কর্ণ যাহা শুনে নাই, এবং মনুষ্যের হৃদয়াকাশে যাহা উঠে নাই, যাহা ঈশ্বর, যাহারা তাঁহাকে প্রেম করে, তাহাদের জন্য প্রস্তুত করিয়াছেন।”

আশা হারাবেন না

আমাদের কাছে ভবিষ্যতের এক প্রত্যাশা রয়েছে। আমরা আশাবাদী যে ভবিষ্যতে কিছু আশ্চর্য বিষয় আমরা দেখতে চলেছি। কেন? কারণ ঈশ্বরের বাক্য বলে যে ঈশ্বর সেই সকল বিষয় তাদের জন্য সৃষ্টি করেছেন যারা তাঁকে ভালোবাসে।

যিরমিয় 29:11

কেননা, সদাপ্রভু বলেন, আমি তোমাদের পক্ষে যে সকল সঙ্কল্প করিতেছি, তাহা আমিই জানি; সেই সকল মঙ্গলের সঙ্কল্প, অমঙ্গলের নয়, তোমাদিগকে শেষ ফল ও আশাসিদ্ধি দিবার সঙ্কল্প!

এটাই হল আমাদের প্রত্যাশার ভিত্তিমূল - ঈশ্বরের বাক্য। তাই, আমরা একটা উত্তম ভবিষ্যতের প্রত্যাশা করতে পারি। আমাদের বর্তমান পরিস্থিতি আমাদের অন্তিম গন্তব্যের ইঙ্গিত নয়। আমাদের একটা প্রত্যাশা আছে যে আমাদের ভবিষ্যৎ শক্তিশালী, সফল, এবং নিরাপদ হবে সেই প্রতিজ্ঞাগুলির কারণে যা তিনি তাঁর বাক্যে করেছেন। আমরা আমাদের বর্তমান পরিস্থিতিকে অনুমতি দেবো না আমাদেরকে দমিয়ে রাখতে।

সফল হওয়ার প্রত্যাশা

আপনাদের মধ্যে কারুর কারুর নেতিবাচক চিন্তাভাবনা থাকতে পারে এবং ভাবতে পারেন যে আপনি কখনও জীবনে সফল হবেন কিনা। আপনারা যা কিছু প্রচেষ্টা করেছেন তার সবকিছুই ব্যর্থ হয়েছে এবং আপনি হয়ত এখনও পর্যন্ত কোনো অগ্রসর করতে পারেন নি। ঈশ্বরের বাক্য যা বলে তা আপনাকে অবশ্যই বিশ্বাস করতে হবে:

গীতসংহিতা 1:1-3

1 ধন্য সেই ব্যক্তি, যে দুঃস্থদের মন্ত্রণায় চলে না, পাপীদের পথে দাঁড়ায় না, নিন্দুকদের সভায় বসে না।

2 কিন্তু সদাপ্রভুর ব্যবস্থায় আমোদ করে, তাঁহার ব্যবস্থা দিবারাত্র ধ্যান করে।

3 সে জলস্রোতের তীরে রোপিত বৃক্ষের সদৃশ হইবে, যাহা যথা সময়ে ফল দেয়, যাহার পত্র প্লান হয় না; আর সে যাহা কিছু করে, তাহাতেই কৃতকার্য হয়।

নিজেকে একটি ফলপ্রসূ গাছের মত দেখুন। নিজেকে এমন একজন মানুষ হিসেবে দেখুন যে সকল কাতে কৃতকার্য হয়। এটাই হল ঈশ্বরের বাক্য আপনার জীবন সম্পর্কে এবং ঈশ্বর যা আপনার জন্য করতে পারেন, তা কোনো পরিস্থিতিকে ছিনিয়ে নিতে দেবেন না।

আপনার স্বপ্নগুলিকে সার্থক করার প্রত্যাশা

আপনাদের মধ্যে অনেকেই হয়ত আপনাদের স্বপ্নগুলিকে সার্থক করার প্রত্যাশা ত্যাগ করেছেন। ঈশ্বরের বাক্য বলে,

গীতসংহিতা 37:4

আর সদাপ্রভুতে আমোদ কর, তিনি তোমার মনোবাঞ্ছা সকল পূর্ণ করিবেন।

আমি এমনও পরিস্থিতিতে পড়েছি যেখানে মনে হয়েছিল যে কখনই আমার স্বপ্নগুলিকে পূর্ণ করতে পারব না। আমার মনে পড়ে, যখন বড় হয়ে উঠিলাম, বেঙ্গালুরুর শহরে একটি শক্তিশালী মণ্ডলী স্থাপন করার স্বপ্ন দেখেছিলাম যা পৃথিবীর অন্যান্য দেশগুলিকেও প্রভাবিত করবে। অনেক কিছু ঘটেছিল এবং আমি নিজেকে এমন পরিস্থিতির মাঝে পেয়েছিলাম যা আমাকে ভাবতে বাধ্য করেছিল যে আমি কখনই আমার স্বপ্নটিকে পূর্ণ করতে পারব না। মনে হয়েছিল এটা শুধুমাত্র একটা স্বপ্নই থেকে যাবে। মনে হয়েছিল কখনই আমি এটাতে পদক্ষেপ ফেলতে পারব না। কিন্তু, আমি তবুও আমার প্রত্যাশাকে জীবিত রেখেছিলাম কারণ ঈশ্বরের বাক্য বলে যে তিনি আমাকে একটা “*ভবিষ্যৎ ও প্রত্যাশা*” দেবেন, এবং তিনি সেই সবকিছু প্রস্তুত করেছেন যা “*চক্ষু যাহা দেখে নাই, কর্ণ যাহা শুনে নাই*”। তাঁর বাক্য এটাও বলেছেন যে আমি যদি তাঁতে আমোদ করি, তাহলে তিনি আমাকে আমার হৃদয়ের বাঞ্ছাকে পূর্ণ করবেন। আমার পরিস্থিতি খারাপ থেকে আরও খারাপ পর্যন্ত গেলেও তাঁর বাক্য অপরিবর্তনশীল ছিল। আমি তাঁর বাক্যকে ধরে ছিলাম। তাঁর বাক্য আমার প্রত্যাশার ভিত্তিমূল হয়েছিল। এখন আমি, এই স্বপ্নটিকে সত্য হতে দেখছি। হাঃলুইয়া!

আপনাদের সন্তানদের জন্য প্রত্যাশা

আপনাদের মধ্যে অনেকেই আপনাদের সন্তানদের বিষয়ে আশা হারিয়ে ফেলেছেন। যদিও আপনি তাদেরকে ভাল ভাবে প্রশিক্ষিত করেছেন ও ঈশ্বরের বাক্য থেকে শিখিয়েছেন, তবুও, এখন হয়ত তারা জীবনের এমন একটা পর্যায়ে আছে যেখানে তারা এমন সব বিষয়ের মধ্যে রয়েছে যেখানে প্রবেশ করার কল্পনাও

হয়ত কখনও করেনি। হয়ত তারা তাদের পড়াশোনা ছেড়ে দিয়েছে অথবা মদ্যপান ও মাদক আসক্তিতে পড়ে গিয়েছে। আপনার সব প্রশিক্ষণ যেন বৃথা মনে হয়। আপনার হয়ত মনে হয় যে এত বছরের পরিশ্রম ব্যর্থ হয়েছে। আপনি হয়ত আপনার সন্তানদের বিষয়ে হাল ছেড়ে দেওয়ার সীমানায় পৌঁছে গেছেন। আমি আপনাদের উৎসাহিত করতে চাই ও বলতে চাই, “আশা ছাড়বেন না”। ঈশ্বরের বাক্য বলে:

গীতসংহিতা 112:1-2

1 তোমরা সদাপ্রভুর প্রশংসা করা ধন্য সেই জন, যে সদাপ্রভুকে ভয় করে, যে তাঁহার আজ্ঞাতে অতিমাত্র প্রীত হয়।

2 তাহার বংশ পৃথিবীতে বিক্রমশালী হইবে; সরল লোকের গোষ্ঠী ধন্য হইবে।

আপনি প্রভুকে বলতে পারেন: “আমি তোমার বাক্যের উপর প্রত্যাশা রাখি। তোমার বাক্য বলে যে আমার সন্তানেরা এই পৃথিবীতে শক্তিশালী হবে”। এর অর্থ যে আপনার সন্তানেরা এই পৃথিবীতে কিছু একটা হবে। তারা ঈশ্বরের রাজ্যের জন্য কিছু একটা করবে। তারা এই পৃথিবীতে ব্যর্থ হবে না। তারা ঈশ্বরের জন্য প্রভাব বিস্তার করবে।

যিশাইয় 54:13

আর তোমার সন্তানেরা সকলে সদাপ্রভুর কাছে শিক্ষা পাইবে, আর তোমার সন্তানদের পরম শান্তি হইবে।

উপরের এই পদটি যেন আপনার প্রত্যাশার ভিত্তিমূল হয়ে ওঠে। প্রত্যাশা করতে থাকুন। হয়ত বর্তমানে আপনার সন্তান আপনার কথায় কান দিচ্ছে না। কিন্তু তবুও আপনি সকল আশাহীনতার বিরুদ্ধে ঈশ্বরের বাক্যের উপর আশা করতে পারেন।

আরোগ্যতার প্রত্যাশা

আপনাদের মধ্যে কেউ কেউ অসুস্থতার মধ্যে রয়েছেন এবং ডাক্তার হয়ত বলে দিয়েছেন যে আপনার কোনো আশা নেই। ঈশ্বরের বাক্য এটা বলে:

গীতসংহিতা 103:6

তিনি তোমার সমস্ত অধর্ম ক্ষমা করেন, তোমার সমস্ত রোগের প্রতিকার করেন।

এই প্রত্যাশা আপনার কাছে আছে। আপনার প্রত্যাশাকে জীবিত রাখুন। বাইবেল যা বলে, সেই অনুযায়ী নিজেকে সুস্থ হিসেবে কল্পনা করুন:

হিতোপদেশ 3:7-8

7 আপনার দৃষ্টিতে জ্ঞানবান হইও না; সদাপ্রভুকে ভয় কর, মন্দ হইতে দূরে যাও।

8 ইহা তোমার দেহের স্বাস্থ্যস্বরূপ হইবে, তোমার অস্থির মজ্জাস্বরূপ হইবে।

ঈশ্বরের প্রতি যে সন্ত্রমকারী ভয় রয়েছে, তা আপনার দেহের মধ্যে আরোগ্যতা নিয়ে আসবে।

6. কোনো একটি আশাহীন পরিস্থিতির মাঝে আমি কী করতে পারি?

রোমীয় 8:17-21

17 (যেমন লিখিত আছে, “আমি তোমাকে বহুজাতির পিতা করিলাম,”) সেই ঈশ্বরের সাক্ষাতেই পিতা, যাঁহাকে তিনি বিশ্বাস করিলেন, যিনি মৃতগণকে জীবন দেন, এবং যাহা নাই, তাহা আছে বলেন।

18 অব্রাহাম প্রত্যাশা না থাকিলেও প্রত্যাশায়ুক্ত হইয়া বিশ্বাস করিলেন, যেন ‘এইরূপ তোমার বংশ হইবে,’ এই বচন অনুসারে তিনি বহুজাতির পিতা হন।

19 আর বিশ্বাসে দুর্বল না হইয়া, তাঁহার বয়স প্রায় শত বৎসর হইলেও, তিনি আপনার মৃতকল্প শরীর, এবং সারার গর্ভের মৃতকল্পতাও টের পাইলেন বটে,

20 তথাপি ঈশ্বরের প্রতিজ্ঞার প্রতি লক্ষ্য করিয়া অবিশ্বাস বশতঃ সন্দেহ করিলেন না; কিন্তু বিশ্বাসে বলবান হইলেন,

21 ঈশ্বরের গৌরব করিলেন এবং নিশ্চয় জানিলেন, ঈশ্বর যাহা প্রতিজ্ঞা করিয়াছেন, তাহা সফল করিতে সমর্থও আছেন।

কোনো আশাহীন পরিস্থিতির মাঝে আমরা কী করতে পারি যাতে ঈশ্বর সেটাকে পাল্টে দিতে পারেন? অব্রাহামের জীবন থেকে আমরা কী শিক্ষা লাভ করতে পারি? তিনি কী করেছিলেন যার পরিণামে ঈশ্বর তার পরিস্থিতিকে পাল্টে দিয়েছিলেন? বাইবেল বলে যে অব্রাহাম, সকল প্রত্যাশার বিপরীতে, বিশ্বাস করেছিলেন যে তিনি সেটাই হবেন যা তাকে প্রতিজ্ঞা করা হয়েছিল (রোমীয় 4:18)। আপনি কি বিশ্বাস করবেন যে ঈশ্বর যা কিছু বলেছেন যা ঘটবে? যেমন উদাহরণ, ঈশ্বরের বাক্য বলে, “*যা কিছু করবে তাতে কৃতকার্য হবে*” এবং আপনাকে সেটা বিশ্বাস করতে হবে। আপনি কি বিশ্বাস করবেন?

প্রত্যাশায় বিশ্বাস করুন যে ঈশ্বর যা কিছু বলেছেন, সেই অনুসারে আপনি হবেন

ঈশ্বর এবং তাঁর বাক্য এক। ঈশ্বরের বাক্যের উপর বিশ্বাস হল ঈশ্বরের উপর বিশ্বাস করা। আপনি যেন সকল আশাহীনতার বিরুদ্ধে বিশ্বাস করেন। তাই, যখন সম্পূর্ণ রূপে আশাহীন মনে হয়, আপনি যেন বিশ্বাস করেন যে আপনি সেটাই হবেন যা ঈশ্বর প্রতিজ্ঞা করেছেন। আশা ছাড়বেন না।

পরিস্থিতির আশাহীনতা যেন আপনার বিশ্বাসকে অসার করে না তোলে

অব্রাহাম “*বিশ্বাসে দুর্বল না হইয়া, তাঁহার বয়স প্রায় শত বৎসর হইলেও, তিনি আপনার মৃতকল্প শরীর, এবং সারার গর্ভের মৃতকল্পতাও টের পাইলেন বটে*” (রোমীয় 4:19)। তিনি তার বিশ্বাসকে দুর্বল হতে দেননি, যখন তিনি তার শারীরিক অবস্থা ও পারিপার্শ্বিক পরিস্থিতিকে বিবেচনা করেছিলেন। কোনো পরিস্থিতির আশাহীনতা যেন আপনার বিশ্বাসকে দুর্বল না করে তোলে। চারিদিকে তাকিয়ে এটা বলবেন না, “এটা মেরামতের উর্ধ্বে”।

তবুও, এটার অর্থ এই নয় যে আপনি আপনার পরিস্থিটিকে অস্বীকার করবেন। শুধুমাত্র আপনার পরিস্থিতির বাস্তবিকতাকে আপনার বিশ্বাসকে দুর্বল করে তুলতে দেবেন না। বরং আমি যেন আপনার কল্পনার ক্যানভাসে প্রতিজ্ঞার পূর্ণতার একটি চিত্র আঁকেন। যেমন উদাহরণ, নিজেকে সম্পূর্ণ রূপে সুস্থ দেখুন, নিজের জীবনে সাফল্যকে দেখুন, আপনার বিবাহকে সুস্থ হতে দেখুন, আপনার সন্তানদের ঈশ্বরের সেবা করতে ও তাঁর পথে চলতে দেখুন। ঈশ্বরের বাক্যের উপর নির্ভর করে এমনই এক চিত্র আঁকুন, এবং প্রায়ই সেটার দিকে তাকান!

একদিন রাতে, ঈশ্বর অব্রাহামকে তাম্বুর বাইরে বের করে আনলেন এবং তাকে আকাশের তারাগুলির দিকে তাকাতে বললেন। এবং তিনি তাকে বললেন, “*এইরূপ তোমার বংশ হইবে*” (আদিপুস্তক 15:5)। তখন অব্রাহামের মনের মধ্যে ঈশ্বরের এই প্রতিজ্ঞাটি একটি চিত্র রূপে গেঁথে গিয়েছিল। তিনি তার বংশকে আকাশের অসংখ্য তারাদের মত দেখতে পাচ্ছিলেন। যখনই অব্রাহাম তার শারীরিক অবস্থার দিকে ও তার স্ত্রীর গর্ভের মৃতকল্পতার দিকে তাকানোর প্রবণতা রাখতেন, তখনই তিনি নিজেকে ঈশ্বরের প্রতিজ্ঞার কথা মনে করাতেন, যে তিনি তার বংশকে আকাশের তারার মত ও সমুদ্রের বালির কণার মত করবেন।

অনেক বার, আমি নিজেকে কল্পনা করেছি ঈশ্বরের বাক্যের পরিচর্যা করতে হাজার হাজার মানুষের সামনে। আমি আমাদের স্থানীয় মণ্ডলীকে আমাদের শহরের পাঁচটি অঞ্চলে, এবং এক একটা মণ্ডলীতে হাজার হাজার বিশ্বাসীদের কল্পনা করেছি। তাই, রবিবার সকালে খালি চেয়ারের দৃশ্য আমার বিশ্বাসকে দুর্বল করে তোলে না, কারণ আমার মনের মধ্যে, আমাদের অস্তিম গন্তব্যের চিত্র রয়েছে। আপনার বর্তমান পরিস্থিতি যাই হোক না কেন, অস্তিম গন্তব্যের একটি চিত্র আপনার মনের মধ্যে রাখুন এবং প্রত্যাশা করতে থাকুন।

দৃঢ় সঙ্কল্প ও সহ্যশক্তি প্রদর্শন করুন

অব্রাহামের জীবন থেকে আরও একটা বিষয় আমরা লক্ষ্য করি যে তিনি “অবিশ্বাস বশতঃ সন্দেহ করলেন না” (রোমীয় 4:20)। তিনি ঈশ্বরের প্রতিজ্ঞার উপর হেঁচট খাননি। তিনি দৃঢ় সঙ্কল্প ও সহ্যশক্তি প্রদর্শন করেছিলেন। প্রত্যাশার সাথে, দৃঢ় সঙ্কল্প ও সহ্যশক্তি ধরে রাখা অত্যন্ত গুরুত্বপূর্ণ। রোমীয় 8:25 পদ বলে, “কিন্তু আমরা যাহা দেখিতে না পাই, তাহার প্রত্যাশা যদি করি, তবে ধৈর্য সহকারে তাহার অপেক্ষায় থাকি”। যদিও আমাদের অনেকেই অনেক কিছু নিয়ে প্রত্যাশা করি, তবুও সেইগুলি আমরা মুহূর্তের মধ্যে লাভ করার প্রবণতা দেখাই। অপর দিকে শাস্ত্র আমাদের নির্দেশ দেয় ধৈর্য সহকারে সেই বিষয়গুলির জন্য অপেক্ষা করতে যেগুলি আমরা দেখতে পাইনা। সহজে হাল ছাড়বেন না। ধৈর্য সহকারে অপেক্ষা করুন। প্রেরিত পৌল বলেছেন,

1 থিমলোনীকীয় 1:3

আমরা তোমাদের বিশ্বাসের কার্য, প্রেমের পরিশ্রম ও আমাদের প্রভু যীশু খ্রীষ্ট বিষয়ক প্রত্যাশার ধৈর্য আমাদের ঈশ্বর ও পিতার সাক্ষাতে অবিরত স্মরণ করিয়া থাকি।

প্রত্যাশা ধৈর্যশীল! প্রকৃত প্রত্যাশা যা ঈশ্বরের বাক্যের উপর নির্ভর করে, সেটা ধৈর্যশীল।

বিলাপ 3:26

সদাপ্রভুর পরিত্রাণের প্রত্যাশা করা, নীরবে অপেক্ষা করা, ইহাই মঙ্গল।

যখন আপনার কাছে প্রকৃত প্রত্যাশা থাকে, তখন সেখানে একটা শান্তি, নীরবতা, ও স্থিরতার একটি অনুভূতি থাকে। আপনি জানেন যে এটা ঘটতে চলেছে। আপনি বিচলিত নন, এবং নিজের চাহিদাকে লাভ করার জন্য অন্যদেরকে পথ থেকে সরিয়ে দেওয়ার জন্য আকাঙ্ক্ষা করেন না। বরং আপনি শান্ত থাকেন, কারণ আপনি জানেন যে আপনি যেটাতে বিশ্বাস করেন সেটা অবশ্যই ঘটবে। আপনি দৃঢ় সঙ্কল্প করেছেন ও ধৈর্য সহকারে অপেক্ষা করেছেন। দৃঢ় সঙ্কল্প প্রমাণ পায় অনবরত ঈশ্বরের বাক্যের প্রতি বাধ্য থাকার মধ্যে দিয়ে। সহজ পথ অবলম্বন করবেন না। এটা বিষয়গুলিকে পরবর্তী সময়ে আরও জটিল করে তুলবে।

আপনার আনন্দকে ধরে রাখুন, ঈশ্বরকে প্রশংসা দিন

অব্রাহাম ঈশ্বরকে প্রশংসা দিয়েছিলেন (রোমীয় 4:20)। যখন আপনার কাছে প্রত্যাশা থাকে, তখন আপনার কাছে আনন্দ থাকে। যেহেতু আপনার কাছে প্রত্যাশা রয়েছে - ঈশ্বরের বাক্য যা বলে, সেইগুলির উপর - আপনি আনন্দ করতে পারেন। অনেক সময়ে আপনি আপনার পরিস্থিতির কারণে আনন্দ করেন। কিন্তু এমনও সময়ে আসে যখন আপনি প্রত্যাশায় আনন্দ করেন। যাদের ছোট শিশু আছে তারা জানে যে তাদের জন্মদিন আসার আগে তারা কতটা উত্তেজনাপূর্ণ থাকে। যখন আমাদের মেয়ে, রুত, ছোটবেলায় তার জন্মদিন পালন করত, সে এক সপ্তাহ আগে থেকেই সেই দিনের অপেক্ষায় থাকতো। সে “প্রত্যাশায় আনন্দিত” থাকতো! তার জন্মদিনের ঠিক আগের দিন রাতে সেই অত্যন্ত উত্তেজনাপূর্ণ থাকতো এবং বলত, “বাবা, কাল সকালে যখন আমি ঘুম থেকে উঠবো, তখন তুমি আমাকে বলবে, ‘সুপ্রভাত বার্থডে গার্ল’”। পরের দিনের জন্মদিনের পালনের কথা এখনই তার মধ্যে আনন্দ নিয়ে এসেছে। এখনও তার জন্মদিন আসেনি, কিন্তু প্রত্যাশার কারণে সে আনন্দিত। খ্রীষ্ট বিশ্বাসী হিসেবে, আমরা প্রত্যাশায় আনন্দিত হই। আমরা আনন্দিত হই যে ঈশ্বর সবকিছু পাল্টে দেবেন এবং আমাদের পরিস্থিতি পরিবর্তন হবে। আমরা প্রত্যাশায় আনন্দিত হই।

রোমীয় 15:13

প্রত্যাশার ঈশ্বর তোমাদিগকে বিশ্বাস দ্বারা সমস্ত আনন্দে ও শান্তিতে পরিপূর্ণ করুন, যেন তোমরা পবিত্র আত্মার পরাক্রমে প্রত্যাশায় উপচিয়া পড়।

রোমীয় 12:12

প্রত্যাশায় আনন্দ কর, ক্রেশে ধৈর্যশীল হও, প্রার্থনায় নিবিষ্ট থাক।

আমরা প্রত্যাশায় আনন্দিত হতে পারি এবং প্রত্যাশার ঈশ্বর আমাদেরকে আনন্দ ও শান্তিতে পূর্ণ করবেন। আনন্দ ও শান্তি আমাদের জীবনে আসে যখন আমরা বিশ্বাস করি। অনেকসময়ে লোকেরা বচসা করা ও নালিশ করা শুরু করে যখন তারা অনেকক্ষণ অপেক্ষা করতে থাকে। তাদের জীবনে একটা প্রত্যাশার চিহ্নের প্রয়োজন আছে। বর্তমান পরিস্থিতি দ্বারা বিচলিত হওয়ার পরিবর্তে, প্রত্যাশার একটি চিত্র বজায় রাখুন। আপনি আনন্দ ও শান্তি অনুভব করবেন, এবং জানবেন যে একদিন সেই চিত্রটি বাস্তবে রূপান্তরিত হবে।

আশা হারাবেন না

গীতসংহিতা 42:5

হে আমার প্রাণ, কেন অবসন্ন হও? আমার অন্তরে কেন ক্ষুব্ধ হও? ঈশ্বরে প্রত্যাশা রাখ; কেননা আমি আবার তাঁহার স্তব করিব; তিনি আমার মুখের পরিদ্রাণ ও আমার ঈশ্বর।

গীতসংহিতা 71:14

কিন্তু আমি নিরন্তর প্রত্যাশা করিব, এবং উত্তর উত্তর তোমার আরও প্রশংসা করিব।

যখন কোনো একজন প্রত্যাশা রাখে, তখন সে ঈশ্বরের প্রশংসা করতে আনন্দ অনুভব করে। হয়ত আপনি যখন এটা পড়ছেন, আপনি হয়ত কোনো আশাহীন পরিস্থিতির মাঝখানে আছেন এবং বলছেন, “কীভাবে আমি খুশি হতে পারি?” বাইবেল বলে, “প্রত্যাশায় আনন্দ করো!” কীভাবে আমরা ঈশ্বরকে প্রশংসা দিতে পারি? ঈশ্বরকে আমরা প্রশংসা দিতে পারি প্রত্যায়ুড় কারণে যা আমাদের কাছে আছে। আজকে বিষয়গুলি খারাপ মনে হতে পারে। আজকে পরিস্থিতি কঠিন হতে পারে। কিন্তু তবুও আপনি তাঁর প্রশংসা করতে পারেন কারণ আপনি জানেন যে এই বিষয়গুলি চিরকাল থাকবে না। বাইবেলের ঈশ্বর হলেন এমন একজন ঈশ্বর যিনি আশাহীন পরিস্থিতিকে পাল্টে দিতে পারেন। এবং তিনি আপনার জন্য তা করবেন। আপনার প্রত্যাশাকে জীবিত রাখুন। প্রত্যাশায় বিশ্বাস করুন।

আমরা একটা গান গেয়ে থাকি। এই গানের কথাগুলি অত্যন্ত উৎসাহদায়ক:

Praise the Lord

When you're up against a struggle
That shatters all your dreams
And your hope has been cruelly crushed
By satan's manifesting scheme
And you feel the urge within you
To submit to earthly fears
Don't let the faith you're standing in, seem to disappear

Chorus

Praise the Lord
He can work through those who praise Him,
Praise the Lord
For our God inhabits praise,
Praise the Lord
For the chains that seem to bind you
Serve only to remind you that they drop powerless behind you
When you praise him
Now satan is a liar
And he wants to make us think That we are paupers
When he knows himself We're children of the King
So lift up the mighty shield of faith
For the battle has been won
We know that Jesus Christ has risen
So the work's already done

©Imperials' album HEED THE CALL released on Dayspring (Word) 1979
Words and Music by Brown Bannister and Mike Hudson

হয়ত আপনি এই পুস্তকটি পড়ছেন ও বলছেন, “আমি একটা শাহিন পরিস্থিতিতে রয়েছি”। হয়ত সেটা আপনার বিবাহ, আপনার বাড়ি, সন্তান, অর্থ, চাকরী, পেশা, অথবা ব্যবসা হতে পারে - এটা জীবনের যেকোনো বিষয় হতে পারে। আমাদের সবাই এই প্রকারের পরিস্থিতির সম্মুখীন করে থাকি। আমি আপনাদের উৎসাহিত করতে চাই - আশা হারাবেন না। আশা না হারানো অত্যন্ত গুরুত্বপূর্ণ। যখন আপনি আশা হারিয়ে ফেলেন, তখন আপনার অভ্যন্তরীণ মানুষটি ক্ষীণ হয়ে পড়ে। যখন আপনি আশা হারিয়ে ফেলেন, তখন আপনি এমন এক জাহাজের মত হন, যার কোনো নোঙ্গর নেই। আপনি ডুবতে শুরু করেন। যখন আপনি আশা হারিয়ে ফেলেন, তখন বিশ্বাসকে কার্যকারী করে তোলা অত্যন্ত কঠিন হয়ে পড়ে কারণ প্রত্যাশা ব্যতিরেকে বিশ্বাস ধারণ করতে পারবেন না।

ঈশ্বর ও তাঁর বাক্যের উপর প্রত্যাশা রাখুন। আপনার জীবন সম্পর্কে ঈশ্বর যা কিছু বলেছেন তা স্মরণ করুন। আপনার পরিবার ও বিবাহ সম্পর্কে ঈশ্বরের প্রতিজ্ঞা কী? যে প্রতিজ্ঞা আপনি পেয়েছেন সেটাকে ধরে থাকুন। তাঁর বাক্যকে আপনার প্রত্যাশার কারণ করে তুলুন। যেহেতু ঈশ্বর বলেছেন, সেই কারণে আপনি প্রত্যাশা রাখতে পারেন যে আপনার পরিস্থিতি বদলাবে। আপনার মনের মধ্যে একটি চিত্র আঁকুন যে ঈশ্বরের প্রতিজ্ঞাগুলি পূর্ণ হওয়াটা কেমন দেখতে লাগবে। এটা আপনার প্রত্যাশাকে জীবিত রাখতে সাহায্য করবে।

“পরন্তু, যে শক্তি আমাদের মধ্যে কার্য সাধন করে, সেই শক্তি অনুসারে যিনি আমাদের সমস্ত যাত্রা ও চিন্তার অতীত অতিরিক্ত কর্ম করিতে পারেন” (ইফিষীয় 3:20)।

অল পিপলস্ চার্চের সাথে অংশীদারিত্ব করুন

অল পিপলস্ চার্চ একটি স্থানীয় মণ্ডলী রূপে সমগ্র ভারতবর্ষ জুড়ে পরিচর্যা করে থাকে, বিশেষ ভাবে উত্তর ভারতে, যেখানে আমরা বিশেষ ভাবে লক্ষ্য কেন্দ্র করি (ক) নেতাদের শক্তিশালী করা, (খ) পরিচর্যার জন্য যুবক-যুবতীদের তৈরি করা এবং (গ) খ্রীষ্টের দেহকে গেঁথে তোলা। যুবক-যুবতীদের জন্য বিভিন্ন প্রশিক্ষণ সেমিনার, এবং খ্রীষ্টীয় নেতাদের জন্য অধিবেশন সমস্ত বছর জুড়ে আয়োজন করা হয়ে থাকে। এ ছাড়াও, ইংরাজিতে ও অন্যান্য ভারতীয় ভাষায় কয়েক হাজার পুস্তক বিনামূল্যে বিতরণ করা হয়ে থাকে বিশ্বাসীদের বাক্যে ও আত্মায় তৈরি করার উদ্দেশ্য নিয়ে।

আমরা আপনাকে আর্থিক ভাবে অংশীদারিত্ব করার জন্য আহ্বান জানাই। আপনারা আমাদের একবার দান করতে পারেন অথবা মাসিক ভাবে অর্থ দান করে সাহায্য করতে পারেন। আপনারা যে পরিমাণের অর্থ আমাদের পাঠান, সেটা সমগ্র দেশ জুড়ে পরিচর্যা কাজে ব্যবহৃত হবে ও আমরা অতিশয় কৃতজ্ঞ থাকবো আপনার সাহায্যের জন্য।

আপনারা আপনারদের উপহার এই নামে চেক/ব্যাংক ড্রাফটের দ্বারা পাঠাতে পারেন “All Peoples Church, Bangalore” এবং আমাদের কার্যালয়ের ঠিকানায় পাঠাতে পারেন। অথবা, আপনি সরাসরি ব্যাংক ট্রান্সফারের মাধ্যমে দান করতে পারেন। আমাদের ব্যাংক একাউন্ট নিচে দেওয়া হল:

Account Name: All Peoples Church

Account Number: 0057213809

IFSC Code: CITI0000004

Bank: Citibank N.A., No. 5, M.G. Road, Bengaluru, Karnataka 560001

অনুগ্রহ করে লক্ষ্য রাখবেন: অল পিপলস্ চার্চ শুধুমাত্র কোনো ভারতীয় ব্যাংক থেকেই অর্থ গ্রহণ করতে পারে। যখন আপনি দান করছেন, যদি চান, তাহলে আপনি উল্লেখ করতে পারেন যে আমাদের পরিচর্যার কোন নির্দিষ্ট ক্ষেত্রের জন্য আপনি দান করছেন। অতিরিক্ত তথ্যের জন্য এই ওয়েবসাইট দেখুন:

apcwo.org/give

এ ছাড়াও, আমাদের জন্য ও আমাদের পরিচর্যার জন্য যখনই সম্ভব, প্রার্থনা করতে স্মরণে রাখবেন।

ধন্যবাদ ও ঈশ্বর আপনাকে আশীর্বাদ করুন!

বিনামূল্যে যে পুস্তকগুলি উপলব্ধ আছে

A Church in Revival*
A Real Place Called Heaven
A Time for Every Purpose
Ancient Landmarks*
Baptism in the Holy Spirit
Being Spiritually Minded and Earthly Wise
Biblical Attitude Towards Work
Breaking Personal and Generational Bondages
Change*
Code of Honor
Divine Favor*
Divine Order in the Citywide Church
Don't Compromise Your Calling*
Don't Lose Hope
Equipping the Saints
Foundations (Track 1)
Fulfilling God's Purpose for Your Life
Gifts of the Holy Spirit
Giving Birth to the Purposes of God*
God Is a Good God
God's Word
How to Help Your Pastor
Integrity
Kingdom Builders
Laying the Axe to the Root
Living Life Without Strife*
Marriage and Family

Ministering Healing and Deliverance
Offenses-Don't Take Them
Open Heavens*
Our Redemption
Receiving God's Guidance
Revivals, Visitations and Moves of God
Shhh! No Gossip!
The Conquest of the Mind
The Father's Love
The House of God
The Kingdom of God
The Mighty Name of Jesus
The Night Seasons of Life
The Power of Commitment*
The Presence of God
The Redemptive Heart of God
The Refiner's Fire
The Spirit of Wisdom, Revelation and Power*
The Wonderful Benefits of speaking in
Tongues
Timeless Principles for the Workplace
Understanding the Prophetic
Water Baptism
We Are Different*
Who We Are in Christ
Women in the Workplace
Work Its Original Design

উপরের পুস্তকগুলির PDF সংস্করণ বিনামূল্যে চার্চের ওয়েবসাইট থেকে ডাউনলোড করতে পারবেন: apcwo.org/books এই পুস্তকগুলির মধ্যে অনেকগুলি অন্যান্য ভাষাতেও উপলব্ধ। আপনার বিনামূল্যে পুস্তকটি লাভ করার জন্য, এই ইমেইল ঠিকানায় লিখুন: bookrequest@apcwo.org
* শুধুমাত্র PDF সংস্করণ উপলব্ধ।

এ ছাড়াও, বিনামূল্যে অডিও ও ভিডিও-তে প্রচার শোনার জন্য, প্রচারের টীকা, এবং আরও অন্যান্য উপাদান লাভ করার জন্য আমাদের ওয়েবসাইট দেখুন:
apcwo.org/sermons

এর সম্বন্ধে একটা ভূমিকা

All Peoples Church (APC) তে, আমাদের দর্শন হল বেঙ্গালুরু শহরে একটা লবন ও জ্যোতির ন্যায় হতে এবং সমুদয় ভারতবর্ষে ও পৃথিবীর অন্যান্য দেশে একটা রব হতে।

APC তে, পবিত্র আত্মার অভিষেক ও প্রকাশ সহকারে সম্পূর্ণ এবং আপোসহীন ঈশ্বরের বাক্য উপস্থাপনা করার জন্য সমর্পিত। আমরা বিশ্বাস করি যে ভালো সঙ্গীত, সৃজনশীল উপস্থাপনা, অসাধারণ এপোলোজেটিক্স, সমসাময়িক পরিচর্যার পদ্ধতি, আধুনিক প্রযুক্তি, ইত্যাদি, কোন কিছুই পবিত্র আত্মার বরদান, আশ্চর্য কাজ, চিহ্ন সহকারে ঈশ্বরের বাক্য প্রচার করাকে প্রতিস্থাপন করতে পারে না (১ করিন্থীয় ২:৪,৫; ইব্রীয় ২:৩,৪)। আমাদের কেন্দ্র স্থান হল যীশু, আমাদের বিষয়বস্তু হল ঈশ্বরের বাক্য, আমাদের পদ্ধতি হল পবিত্র আত্মার শক্তি, আমাদের আকাঙ্ক্ষা হল মানুষেরা, এবং আমাদের লক্ষ্য হল খ্রীষ্টের মতো পরিপক্বতা।

বেঙ্গালুরুতে আমাদের প্রধান কার্যালয় থাকা সত্ত্বেও, ভারতবর্ষের বিভিন্ন স্থানে All Peoples Church এর অনেক মণ্ডলী স্থাপিত আছে। All Peoples Church এর মণ্ডলীর তালিকা এবং যোগাযোগ নম্বর পেতে গেলে, আমাদের ওয়েবসাইটে www.apcwo.org/locations দেখুন, অথবা contact@apcwo.org এ ই-মেইল পাঠান।

আপনি কি সেই ঈশ্বরকে জানেন যিনি আপনাকে প্রেম করেন?

প্রায় ২০০০ বছর আগে, ঈশ্বর মানব রূপ ধারণ করে এই পৃথিবীতে এসেছিলেন। তাঁর নাম হল যীশু। তিনি একটা নিষ্পাপ জীবন যাপন করেছিলেন। যেহেতু যীশু মানব রূপে ঈশ্বর ছিলেন, তিনি যা কিছু বলেছে ও করেছেন, তার দ্বারা তিনি ঈশ্বরকে আমাদের কাছে প্রকাশ করেছেন। যে কথাগুলি তিনি বলেছিলেন, সেইগুলি ঈশ্বরের কথা। তিনি যে কাজগুলি সাধন করেছিলেন, সেইগুলি ঈশ্বরের কাজ। এই পৃথিবীতে যীশু অনেক আশ্চর্য কাজ সাধন করেছিলেন। তিনি অসুস্থদের ও পীড়িতদের সুস্থ করেছিলেন। তিনি অন্ধ মানুষদের দৃষ্টিদান করেছিলেন, যারা শুনতে পেত না, তিনি তাদের শ্রবণ শক্তি ফিরিয়ে দিয়েছিলেন, খঞ্জদের চলতে সাহায্য করেছিলেন এবং প্রত্যেক ধরনের অসুস্থতা ও ব্যাধি সুস্থ করেছিলেন। আশ্চর্য ভাবে কয়েকটি রুটি দিয়ে তিনি অনেক ক্ষুধিত ব্যক্তিদের খাদ্য যোগান দিয়েছিলেন, বাড় খামিয়েছিলেন এবং অনেক আশ্চর্য কাজ করেছিলেন।

এই সকল কিছু আমাদের কাছে প্রকাশ করে যে ঈশ্বর উত্তম, যিনি চান যে লোকেরা যেন সুস্থ হয়, সম্পূর্ণ হয়, স্বাস্থ্যকর হয় এবং খুশী থাকে। ঈশ্বর তার লোকদের প্রয়োজন মেটাতে চান।

তাহলে কেনই বা ঈশ্বর একটা মানব রূপ ধারণ করে আমাদের এই পৃথিবীতে এসেছিলেন? যীশু কেন এসেছিলেন?

আমরা সকলে পাপ করেছি এবং সেই সকল কাজ করেছি যা আমাদের সৃষ্টিকর্তা ঈশ্বরের কাছে অগ্রহণীয়। পাপের পরিণাম আছে। পাপ হল ঈশ্বর এবং আমাদের মাঝে একটা দুর্ভেদ্য প্রাচীর। পাপ আমাদের ঈশ্বর থেকে পৃথক করে রেখেছে। এটা আমাদের সৃষ্টিকর্তাকে জানতে ও তাঁর সাথে একটা অর্থপূর্ণ সম্পর্ক স্থাপন করতে বাঁধা দেয়। সুতরাং, আমাদের অনেকেই এই শূন্য স্থানটি অন্যান্য বিষয় দিয়ে পূর্ণ করার চেষ্টা করি।

পাপের আরও একটা পরিণাম হল ঈশ্বরের থেকে অনন্তকালের জন্য পৃথক হয়ে যাওয়া। ঈশ্বরের আদালতে, পাপের বেতন মৃত্যু। মৃত্যু হল নরকে যাওয়ার দ্বারা ঈশ্বরের থেকে চিরকালের জন্য পৃথক হয়ে যাওয়া।

কিন্তু, আমাদের জন্য একটা সুসংবাদ আছে যে আমরা পাপ থেকে মুক্তি পেতে পারি এবং ঈশ্বরের সাথে পুনরায় সম্পর্ক স্থাপন করতে পারি। বাইবেল বলে, “কেননা পাপের বেতন মৃত্যু; কিন্তু ঈশ্বরের অনুগ্রহ-দান আমাদের প্রভু যীশু খ্রীষ্টেতে অনন্ত জীবন” (রোমীয় ৬:২৩)। যীশু তাঁর ক্রুশীয় মৃত্যু দ্বারা সমস্ত পৃথিবীর পাপের মূল্য পরিশোধ করে দিলেন। তারপর, তিন দিন পর তিনি আবার বেঁচে উঠলেন, তিনি নিজেকে জীবিত অবস্থায় অনেক মানুষের কাছে দেখা দিলেন এবং তারপর তিনি স্বর্গে চলে গেলেন।

ঈশ্বর প্রেমের ও দয়ার ঈশ্বর। তিনি চান না যে একটা মানুষও নরকে শাস্তি না পাক। এবং সেই কারণে, তিনি এসেছিলেন, যাতে তিনি সমুদয় মানবজাতির জন্য পাপ থেকে ও পাপের পরিণাম থেকে মুক্তি পাওয়ার একটা পথ প্রস্তুত করতে পারেন। তিনি পাপীদের উদ্ধার করতে এসেছিলেন – আপনার এবং আমার মতো মানুষদের পাপ থেকে ও অনন্তকালীন মৃত্যু থেকে উদ্ধার করতে এসেছিলেন।

পাপের এই ক্ষমাকে বিনামূল্যে গ্রহণ করতে গেলে, বাইবেল আমাদের বলে যে আমাদের একটা কাজ করতে হবে – প্রভু যীশু খ্রীষ্ট ক্রুশের উপর কী করেছিলেন তা স্বীকার করা এবং তাঁকেই সমস্ত অন্তঃকরণ দিয়ে বিশ্বাস করা।

“...যে কেহ তাঁহাতে বিশ্বাস করে, সে তাঁহার নামের গুণে পাপমোচন প্রাপ্ত হয়” (প্রেরিত ১০:৪৩)।

“কারণ তুমি যদি ‘মুখে’ যীশুকে প্রভু বলিয়া স্বীকার কর, এবং ‘হৃদয়ে’ বিশ্বাস কর যে, ঈশ্বর তাঁহাকে মৃতগণের মধ্য হইতে উত্থাপন করিয়াছেন, তবে পরিত্রাণ পাইবে” (রোমীয় ১০:৯)।

আপনি যদি প্রভু যীশু খ্রীষ্টকে বিশ্বাস করেন, তাহলে আপনিও আপনার পাপের ক্ষমা লাভ করতে পারেন ও শুচিকৃত হতে পারেন।

নিম্নলিখিত একটা সহজ প্রার্থনা লেখা আছে যা আপনাকে প্রভু যীশু খ্রীষ্টের উপর বিশ্বাস করার তিনি ক্রুশের উপর কী করেছেন, সেটা সম্বন্ধীয় একটা সিদ্ধান্ত নিতে সাহায্য করবে। এই প্রার্থনাটি যীশুর বিষয়ে আপনার অঙ্গীকারকে ব্যক্ত করতে ও পাপ থেকে ক্ষমা ও শুচিকরণ লাভ করতে সাহায্য করবে। এই প্রার্থনাটি একটা রূপরেখা। এই প্রার্থনাটি আপনি আপনার নিজের ভাষাতেও করতে পারেন।

প্রিয় প্রভু যীশু, আজ আমি বুঝতে পেরেছি যে তুমি আমার জন্য ক্রুশের উপর কী সাধন করেছো। তুমি আমার জন্য মারা গিয়েছিলে, তুমি তোমার বহুমূল্য রক্ত আমার জন্য বারিয়েছিলে এবং আমার পাপের মূল্য মিটিয়ে দিয়েছিলে, যাতে আমি ক্ষমা লাভ করতে পারি। বাইবেল আমাকে বলে যে যে কেউ তোমার উপর বিশ্বাস করবে, সে তার পাপের ক্ষমা লাভ করবে।

আজ, আমি তোমাকে বিশ্বাস করার এবং তুমি আমার জন্য কী করেছো, তা গ্রহণ করার একটা সিদ্ধান্ত নিই, এবং বিশ্বাস করি যে তুমি আমার জন্য ক্রুশে মারা গিয়েছিলে এবং আবার মৃত্যু থেকে বেঁচে উঠেছিলে। আমি বিশ্বাস করি যে আমি আমার উত্তম কাজ দ্বারা নিজেকে উদ্ধার করতে পারব না, অথবা অন্য কোন মানুষও আমাকে উদ্ধার করতে পারবে না। আমি আমার পাপের ক্ষমা অর্জন করতে পারি না।


আজ, আমি আমার হৃদয়ে বিশ্বাস করি এবং আমার মুখে স্বীকার করি যে তুমি আমার জন্য মারা গিয়েছিলে, তুমি আমার পাপের মূল্য মিটিয়েছিলে, তুমি মৃতগণদের মধ্যে থেকে বেঁচে উঠেছিলে, এবং তোমার উপর বিশ্বাস করার মধ্যে দিয়ে, আমি আমার পাপের ক্ষমা ও শুচিকরন লাভ করি।

যীশু তোমাকে ধন্যবাদ। আমাকে সাহায্য কর যেন আমি তোমাকে প্রেম করতে পারি, তোমাকে আরও জানতে পারি এবং তোমার প্রতি বিশ্বস্ত থাকতে পারি। আমেন।

DOWNLOAD THE FREE APP!



Search for
"All Peoples Church Bangalore"
in the App or Google play stores.



A daily 5-minute video devotional.

A daily Bible reading and prayer guide.

5-minute Sermon summary.

Toolkit with Scriptures on various topics to build faith and information to share the Gospel.

Resources with sermons, sermon notes, TV programs, books, music and more.

IF YOU LOVE IT, TELL OTHERS ABOUT IT!



বাইবেল কলেজ এবং পরিচর্যা প্রশিক্ষণ কেন্দ্র

All Peoples Church বাইবেল কলেজ এবং পরিচর্যা প্রশিক্ষণ কেন্দ্র (APC-BC), যা বেঙ্গালুরুতে অবস্থিত, আত্মায় পরিপূর্ণ, অভিযুক্ত এবং পবিত্র আত্মার শক্তিতে অলৌকিক ভাবে পরিচর্যা করার ক্ষমতা প্রদান করার মধ্যে দিয়ে প্রশিক্ষণ দেয়, এবং তার সাথে নিরাময় ঈশ্বরের বাক্য শেখানো হয়। আমরা পরিচর্যার জন্য একটা ব্যক্তিকে সম্পূর্ণ ভাবে গঠন করাতে বিশ্বাস করি, যেখানে আমরা একটি ঐশ্বরিক চরিত্রে, ঈশ্বরের বাক্যে গভীরে প্রবেশ করা, এবং আশ্চর্য কাজ ও চিহ্ন কাজ দ্বারা পরিচর্যা করায় জোর দিই - যা প্রভুর সাথে একটা ঘনিষ্ঠ সম্পর্ক থেকে উত্থাপিত হয়।

APC-BC তে, নিরাময় বাক্য শেখানোর সাথে সাথে আমরা ঈশ্বরের প্রেমকে কাজে প্রকাশিত করার উপর গুরুত্ব দিই, পবিত্র আত্মার অভিষেক ও উপস্থিতি এবং ঈশ্বরের কাজের অলৌকিক কাজের উপর গুরুত্ব দিই। অনেক যুবক যুবতীরা প্রশিক্ষিত হয়ে ঈশ্বরের আহ্বান পূর্ণ করার জন্য প্রেরিত হয়েছে।

নিম্নলিখিত কার্যক্রমগুলি আমরা প্রদান করিঃ

এক বছরের Certificate in Theology and Christian Ministry (C.Th.)

দুই বছরের Diploma in Theology and Christian Ministry (D.Th.)

তিন বছরের Bachelor in Theology and Christian Ministry (B.Th.)

সপ্তাহের পাঁচ দিন ক্লাস নেওয়া হয়, **সোমবার থেকে শুক্রবার, সকাল ৯ টা থেকে দুপুর ১টা পর্যন্ত**। কর্মজীবী লোকেরা, গৃহবধূরা এই কোর্সগুলি করতে পারে, এবং দুপুর ১টার পর তাদের প্রতিদিনের কাজকর্ম করতে পারে। আলাদা হস্টেলের ব্যবস্থা আছে সেই সকল শিক্ষার্থীদের জন্য, যারা সেই স্থানে থেকে এই কোর্সগুলি করতে চায়। শিক্ষার্থীরা বিভিন্ন ক্ষেত্রে পরিচর্যার জন্য অংশগ্রহণ করে, বিশেষ সেমিনারে, প্রার্থনা ও আরাধনার সময়ে অংশগ্রহণ করে প্রতিদিন দুপুর ২ টা থেকে বিকাল ৫টা পর্যন্ত। দুপুরের অধিবেশনগুলি তাদের জন্য অনিবার্য নয়, যারা অন্যান্য কাজ করে। প্রত্যেক শিক্ষার্থীদের কোন না কোন স্থানীয় মণ্ডলীতে সেবাকাজের জন্য উৎসাহিত করা হয়।

কলেজের সম্বন্ধে, পাঠ্যক্রমের সম্বন্ধে, যোগ্যতা, মূল্য সম্বন্ধে আরও বিস্তারিত ভাবে জানতে গেলে apcbiblecollege.org ওয়েবসাইটে যান।

APC-BC is accredited by the Nations
Association for Theological
Accreditation (NATA).



আমাদের জীবন, কখনও কখনও, অপ্রত্যাশিত মোড় নিয়ে থাকে। আমরা হয়ত হঠাৎ নিজেদেরকে কোনো একটা ঝড়ের মাঝখানে পাই। এই জীবনের মধ্যে দিয়ে গমন করার সময়ে আমাদের সবার জীবনে প্রতিকূলতা ও সংগ্রাম আসবে। অনেকসময়ে, আমরা দেওয়ালে পিঠ থেকে যাওয়ার অনুভূতি লাভ করে থাকি, এবং সেখান থেকে কোনো ভাবেই পালানোর উপায় থাকে না।

আপনি হয়ত কোনো একটা আশাহীন পরিস্থিতির মাঝখানে রয়েছেন - আপনার চাকরী, পেশা, শিক্ষা, বাড়ি, বিবাহ, অথবা পরিবার সংক্রান্ত। আপনার জীবনে অনেক কিছুই গুণগোল অবস্থায় থাকতে পারে। আমি আপনাকে উৎসাহিত করতে চাই যে বাইবেলের ঈশ্বর মৃতদেরকে জীবন দেওয়ার ক্ষেত্রে দক্ষ - এমনকি পরিস্থিতি ও পরিবেশ যা আশাহীন ও মৃত মনে হয়। তিনি আশাহীন পরিস্থিতিকে পাল্টে দেওয়ার ক্ষেত্রে দক্ষ। তিনি যদি আপনার পাশে থাকেন তাহলে আপনি সেই পরিস্থিতিতেও প্রত্যাশা করতে পারেন, যেখানে প্রত্যাশা করার কোনো কারণ নেই।

এমনকি যখন সবকিছু আশাহীন মনে হয়, তখনই আপনি একজন বিজয়ী হতে পারেন। এই পুস্তকটি সরল শব্দে আমাদের জন্য উৎসাহ ও নির্দেশ নিয়ে আসে যে আমরা যেন আশা না হারাই। ঈশ্বর ও তাঁর বাক্যের উপর প্রত্যাশা রাখুন। আপনার জীবন সম্পর্কে ঈশ্বর যা কিছু বলেছেন, সেইগুলিকে স্মরণ করুন। আশা হারাবেন না!

আশিস রাইচুর

All Peoples Church & World Outreach
#319, 2nd Floor, 7th Main, HRBR Layout,
2nd Block, Kalyan Nagar, Bangalore 560043
Karnataka, INDIA

Phone: +91-80-25452617
Email: contact@apcwo.org
Website: apcwo.org

